



21. marts 2016

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut aallaasit pillugit apeqquq:**

**1. Kalaallit Nunaanni aallaasit pillugit inatsit Naalakkersuisut sukatismaarpat taamaasilluni malittarisassat makku ilanngunneqarsinnaalersillugit:**

- Aallaasit tamarmik nalunaarsorneqassapput

- Aallaasit saverutillu paarnaarunneqassapput aamma immikkut

**2. Naalakkersuisut Kalaallit Nunaanni aallaasit pillugit inatsimmut atatillugu allanik iliuseqassamaarpat siunertaralugu tamatta ulluinnarni toqqissisimanerulernissarput?**

(Inatsisartunut ilaasortaq Justus Hansen, Demokraatit)

**Tungavilersuut:**

2010-mi Inatsisartunut siunnersuuteqarpunga (UPA2010/45) siunertaralugu aallaasit pillugit inatsisip sukaterneqarnissaa. Ilaatigut siunnersuutigaara aallaasit tamarmik nalunaarsorneqassasut aallaasillu toqqorneqartarnissaannut malittarisassiortoqassasoq. Siunnersuutinni taamani tigussaasumik ima allappunga:

*"Aallaaseqarneq ileqqutsinnut kulturitsinnullu ilaavoq. Siulivut piniariarniarunik taamaasillutillu ilaqtatit pilersorniarunikkit, allaaseq pinngitsoorsinnaanikuunngilaat. Uani siunnersuummi siunertarinngilarput aallaasitaartarnissap ajornarnerulersinnissaa, kisianni kissaatigaarput inuiaqatigiit inunnut aalajangersimasunut aallaasitaarusuttunut itigartitsisalersinnaanissaat. Assersuutigalugu pineqarsinnaapput inuit allaasersorlutik inunnut ulorinartorsiortitsillutik pinerlussimasut.*

*Tamannali angussagutsigu paaseqqissaartariaqarparput kikkut allaaseqarnersut aamma qanoq ittunik aallaaseqarnersut. Taamaattumik pissusissamissoortutut isigaarput malittarisassaliornissaa, qularnaarumallugu aallaasit nalunaarsorneqartalernissaat, ilisimalerlugu aallaasit ataasiakkaat kikkunnit pigineqarnersut. Peqataanik kissaatigaarput aallaaseq qanoq toqqorneqartalernissaannut aamma malittarisassaliortoqassasoq. Iluaqutaanngilaq aallaasit illersorneqarsinnaanngitsumut toqqorneqarsimappata.*

*Demokraatini isumaqarpugut minnerpaamik piumasaqaatigineqartariaqartoq aallaasip savequtaata allaasillu immikkut toqqorneqartarnissaat, allaat tillinneqassagaluarpat seqqorsinnaaqunagu. Aallaat savequtaatalu skavimmut, matusartumut assigisaannulluunniit paarnaarunneqartassapput."*

Uanga Demokraatillu suli taama isumaqarpugut aamma isumaqarpugut ullumikkut suli pisariaqartoq - minnerunngitsumik aallartoornerit kingunerannik ukiut tamaasa inuiaqatigiinni pisartut eqqarsaatigalugit.



**DEMOKRAATIT**  
DEMOKRATERNE

Maluginiarpara Kalaallit Nunaanni politiit oqallinneq assigupjaartoq aallartikkaat (Takuuk ilaatigut [www.knr.gl](http://www.knr.gl) -mi allaaserisaq "Politiit kissaatigaat sakuusiviit paarnaaqqaarnissaat politikerit oqallisigissagaat". Oqallinneq taanna soorunami peqqoqara.

Apeqqutit akeqquneqarput ullut suliffiit naliginnaasut qulit iluanni.